

Lebih 50 paus terkandas di New Zealand

Sinar Harian 19/10/2020 M/S 32

COROMANDEL - Puluhan ekor ikan paus pilot dilaporkan mati di pantai New Zealand selepas ia terkandas di North Island, kata Jabatan Pemuliharaan semalam.

Penyelamat dan sukarelawan bertungkus-lumus sepanjang hari dari kelmarin untuk menyelamatkan 25 ekor dari 40 hingga 50 ekor paus pemandu itu yang terkandas di pantai Semenanjung Coromandel sejak kelmarin.

Jabatan berkata, lima ekor paus ditemui mati dan lokasi sama pada malam kelmarin.

“Walaupun air pasang pada jam 9 pagi kelmarin



Sukarelawan bertungkus-lumus menyelamatkan paus yang terdampar di New Zealand, sejak kelmarin.

yang membolehkan ikan paus kembali semula ke laut, beberapa ekor lagi daripadanya masih terkandas atas batu di pantai sama.

“Sedihnya, puluhan paus mati selepas terkandas di batu pada pagi hari ini. Bagaimanapun, kami yakin bahawa kebanyakan

paus lain yang terdampar berjaya kembali ke laut pada waktu pagi,” katanya menerusi Facebook.

Bulan lalu, ratusan ekor paus pilot yang mampu membesar sehingga enam meter panjang terperangkap di kawasan perairan cetek Australia. - *Agensi.*